



Universitätsbibliothek Paderborn

**Vita P. Camilli De Lellis Fvndatoris Religionis Clericorvm
Regvlarivm Infirmis Ministrantivm**

Cicatelli, Sanzio

Antverpiæ

Cap. IV. Camillus it fundatum domicilia Mediolani & Genuæ. Diuinam
punctionem interminatur certis nautis, quæ ipsos est consecuta.

urn:nbn:de:hbz:466:1-37267

CAPVT IV.

Camillus it fundatum domicilia Mediola-
ni & Genuæ. Diuinam punitionem in-
terminatur certis nautis, quæ ipsos est
consecuta.

AD hoc usque tempus non erat alibi no-
stra Religio, quam Romæ & Neapolii;
sed propter multorum ad eam adspiran-
tium, atque in dies se offerentium copiam,
existimauit Camillus diuinæ esse voluntatis,
ut eam per quasdam alias Italiæ ciuitates iret
dilatatum: proposito sibi semper scopo, exer-
cendæ in proximos, quos maior tenet neces-
sitas, charitatis, & obuiam eundi multis in-
firmorum incommodis atque angustiis, tam
eorum qui in Xenodochiis, quam qui in ædi-
bus priuatis moriuntur. Cum tali proposito,
& absq; ullius Principis fauore, & sine litteris
cuiusquam commendatitiis, sola in Deum fi-
ducia fretus, & sperans, ipsum suæ Religionis
institutum viam sibi ad quæcumque animo
destinaret apertum, præmisit Mediola-
num versus P. Franciscum Antonium Ni-
gium, cum aliis quinque, quò & ipse posteà
est eos consecutus, peruenitque decimâ quar-
tâ Iunij, anno M. D. XCIV. & inde digressus,

L 3

Ge-

Genuam eadem de causa intravit decimquintā Augūsti sequentis. In quibus ciuitatibus, conductis primūm ædibus, deinde vili-tatis quotidie Xenodochiis, adiutisque, non secūs atque Romę & Neapolı fecerant, egro-tis ac moribundis, ita initium duabus illi fundationibus datum est. Postea verò nego-tiis Camillum Neapolim vocantibus, ipsi Genuæ simul cum P. Baltasare Fonseca con-scendit, electâ inter priuatorum triremes vnâ, quæ domini Cosmæ Centurionis era. Sed cùm in eo itinere res illi occurrerit nota-digna, ut appareat, quantum à peccato abhoruerit, nolo eam silentio præterire. Erant igitur illæ triremes propter incommo-dam maris tempestatem in Portu Veneti expectantes: ybi quidam iuuenes nautæ ei Camilli triremi, à quibus Dei timor aberat, adolescentulam quamdam Hispanam pro-cantes, ea coram ipso dicebant & faciebant, quæ minimè decebat. Itaque Camillus ob-enormem diuinæ Maiestatis offenditionem graui dolore animi percitus, nec valens duci-ūs istorum hominum imprudentem suffe-re procaciam, surrexit, foros condescendit, Crucifixum manu extulit, asperè eos reprehēdit, pauorem omnibus, quotquot in ea trirem-erant, ingentē incusſit. Minabatur enim furi-ū, ut tremenda in eos diuina punitio ingue-

ret,

tet, nisi vitium illud pestilens atque abominabile emendantent. Atque inter alia, his verbis velut sigillo & conclusione omnium hactenus dictorum atque intentatorum vtebatur. Denique totus, inquit, obstupefactus haereo, qui fiat ut tremendum Dei potentissimi brachium tanta in vos utatur patientia, nec statim statim fulmina e celo emittat, vosque confestim omnes in mare præcipitet absorbens. Verum scitote id vobis aliquando non defuturum, neque huic toti triremi, nisi vitam mutaueritis, & nominatum nisi abominationem hanc pessimam emendaueritis. Et dictum hoc euentu probatum est, cum id ipsis accidit circa vigesimum octauum Augusti. Ac fuit quidem haec res valde admirabilis, & magnum Domini iudicium, quod omnes supra dicti iuvenes, cum illa ipsa triremi sua, uno circiter post anno, in eo sinu maris, quem *Golfo di Leone* appellant, submersi sunt, cum in Hispaniam deportarent Comitem Entellæ iam creatum Proregem Neapolitanum: in qua triremi speciatim omnes feminæ, atque aliæ Dominæ e comitatu Proreginæ vndis obrutæ. Quod posteà in alia quadam nauigatione quidam senex nauta, vir bonus, qui adfuerat, cum Camillus istos vitâ & lasciuâ perditos reprehenderet, eidem Camillo memorauit his ferè verbis:

L 4 Pater,

Pater, isti omnes iuuenes, quos anno præterius
in Portu Veneris reprehendisti, vna cum tri-
mi sua fluctibus hausti sunt, & quemadmodum
prædixeras & interminatus fueras, funditi
perierunt, ne uno quidem excepto, postquam
in pessima ac dissolutissima vita ad extremum
perseuerassent. Appulit tum temporis Ne-
polim Camillus satis male à mari affactus,
propterea quod dies minimum duodecim
aëris expositus iniuriis, vni tormento murali
ad proram continenter sub dio insedisset, nec
vnumquam animum induxisset ad puppim
(quod ab omnibus etiam cum precibus invi-
tabatur) accedere. Quod ea de causa fecit,
quia cum primo die ibi apud illos fuisset, at-
que ipsis inter se ludentibus vnum inaudisse
euomentem blasphemiam, inde statim abe-
cesserit, nec eò amplius redire, nec illis se lo-
ciare voluerit. Expeditis deinde negotiis Ne-
poli, cum multis subditis reuersus est Ge-
nuam vectus triremi Principis Vrixe: quo in
itinere magnum adiit discrimen. Dum au-
tem aliquantis per Genuæ conquesceret, ad
eum allatum est, magnam esse Mediolani
suspicionem pestis, & Archiépiscopum Vil-
conté duos è nostris postulasse, quos ad La-
zaretti Xenodochium mitteret, vnius fami-
liæ, quæ iam pestis afflata esse contagio ibi
deprehensa esset, curam habituros. Ad cuius

Xeno-

Xenodochij ingressum præsens adesse cùm
percuperet, illuc magnis itineribus & citatis
equis contendit, veritus ne sibi aditus inter-
cluderentur. Quòd cùm peruenisset, compe-
tit duos è nostris Lazarettum iam intrasse, &
illius adiutandæ familiæ partes suscepisse. E
qua familia licet vñus in ipsorum brachiis ex
pestilentia extinctus fuerit, ipsi tamen Dei
beneficio exactis quadraginta diebus separa-
tionis, sani & salui citra vñlum contagionis
vestigium euaserunt.

C A P V T . V.

*Camillus mutat pristinum modum mini-
strandi infirmis. Pontifex aliquos è no-
stris in Hungariam mittit.*

CVm esset Camillus Mediolani, & ar-
denti incitaretur studio semper impen-
siùs in pauperum commoda incumbendi,
postulatu atque impulsu dominorum Xeno-
dochii aduigilantium, nonnihil pristinum
modum ministrandi infirmis immutauit:
suscepta nimirum integra magni Xenodo-
chij cura, totq[ue] personis illi attributis, at-
que ibidem habitare iussis, quot priùs inha-
bitabant famuli mercenarij. Quæ mutatio
facta est septimâ Februarij, anno Domi-

L 5 ni